



Porjad za spožčenje “Myta Domowiny”, “Myta Domowiny za dorost” a “Čestneho znamješka Domowiny”

Kapitel A

§ 1 Mytowanski wuběrk

- (1) Člonow mytowanskeho wuběrka woli Zwjazkowe předsydstwo Domowiny na dobu štyrjoch lět. Wuběrk skutkuje, doniž njeje nowy wuběrk woleny.
- (2) Mytowanski wuběrk ma 9 člonow, z nich su znajmjeńša 3 člonjo z Delnjeje Łužicy. Wuběrkownicy sej wuzwola předsydu/-ku a městopředsydu/-ku. Člonjo wuběrka su z mytowanja wuzamknjeni.
- (3) Mytowanski wuběrk rozsudža wo spožčenju “Myta Domowiny”, “Myta Domowiny za dorost” a “Čestneho znamješka”. Přećiwo rozsudam je prawniski puć wuzamknjeny.
- (4) Mytowanski wuběrk móže sebi jednanski porjad schwalić.

§ 2 Doba wupisanja

- (1) Doba wupisanja traje wot 1. apryla hač do 30. junija kóždého lěta a so w serbskich medijach wozjewi. Namjety maja z wopodstatnjenjom a podaćom personalijow kandidata za myto hač do 30. junija w zarjedže Domowiny předležec.

Kapitel B – “Myto Domowiny” a “Myto Domowiny za dorost”

Za wurjadne wukony w čestnohamtskim skutkowanju na wšěch polach narodneho džěła, kiž služa zachowanju a spěchowanjemu Serbstwa, a maja wuznam za cyłe serbstwo, spožča Domowina - Zwjazk Łužiskich Serbow kóžde lěto tutej wysokej wuznamjenjeny.

§ 3 Wašnje spožčenja

- (1) “Myto Domowiny” spožča so kóžde lěto w oktobrje, w měsacu založenja Domowiny. Najpozdžišo hač do kónca lěta předsyda/-dka Domowiny abo jeho/jeje zastupjer/-ka myto na mytowanskim zarjadowanju přepoda.
- (2) W zmysle Kapitla B, § 3, dypka 1 spožča so tež spěchowanske “Myto Domowiny za dorost”.

- (3) "Myto Domowiny" a "Myto Domowiny za dorost" spožča so jednotliwcam jenož jónu abo wjacorym wosobam (kotrež maja so pomjenować) zhromadnje.

§ 4 Zasady spožčenja

- (1) K "Mytu Domowiny" słušeja wopismo, medalja, pjenježne myto a po móžnosći wěcny dar w maksimalnej hódnoće 25,00 €.
- (2) Za mytowanje steji lětnje 8.500 € k dispoziciji.
 - a. maksimalnje 3 myta à 2.500,00 €
 - b. maksimalnje 2 myće za dorost 500,00 €

§ 5 Zapodaće namjetow

- (1) Namjety za wuznamjenjenje smědža podawać wolene gremije Domowiny, župy a čłonske towarstwa kaž tež čłonojo-jednotliwcy.
- (2) Namjet za tu jednu a tu samu wosobu smě so maksimalnje trójce zasobu zapodać.

Kapitel C – "Čestne znamješko Domowiny"

Čestne znamješko Domowiny spožča so za wosebite čestnohamtske wukony při zwoprawdženju programa Domowiny - Zwjazka Łužiskich Serbow.

§ 6 Wašnje spožčenja

- (1) "Čestne znamješko Domowiny" spožča so jednotliwcam.
- (2) Wuznamjenjenje přepoda so jónu wob lěto na wuznamjenjenskim zarjadowanju Zwjazkoweho předsydstwa Domowiny.

§ 7 Zasady spožčenja

- (1) Wuznamjenjenje smě so čłonce/čłonej Domowiny abo z džětom Domowiny zwjazanej wosobje spožčić.
- (2) Wob lěto smě so cyłkownje 10 čestnych znamješkow spožčić.
- (3) Wuznamjenjenje smě so wosobje jenož jónu spožčić.
- (4) K wuznamjenjenju słušatej čestne znamješko, wopismo a 100,00 € jako pjenježny dar.

§ 8 Zapodaće namjetow a rozsud wo spožčenju

- (1) Namjety za wuznamjenjenje smědža podawać wolene gremije Domowiny, župy a čłonske towarstwa.
- (2) Namjet za tu jednu a tu samu wosobu smě so maksimalnje trójce zasobu zapodać.

Kapitel D

§ 9 Prawniski puć

- (1) Přećiwo rozsudam je prawniski puć wuzamknjeny.

§ 10 Płaćiwosć

- (1) Porjad nabywa z wobzamknjenjom Zwjazkoweho předsydstwa Domowiny dnja 27.03.2026 swoju płaćiwosć. Změny wobzamknje Zwjazkowe předsydstwo Domowiny.